

Program „World Life Experience“. posjeta Ekonomskom fakultetu Brčko

Danas je Ekonomski fakultet Brčko ugostio grupu studenata iz stranih zemalja koji su u posjeti Bosni i Hercegovini u okviru projekta „World Life Experience“. Jedni od domaćina koji su ih ugostili u Brčkom su i naši studenti. Za vrijeme sedmodnevnog boravka u Brčkom imaće volonterske aktivnosti u omladinskom centru, a imaće i priliku da sa svojim domaćinima upoznaju znamenitosti grada i okoline.



Naš fakultet je imao priliku da se upozna sa studentima iz raznih dijelova svijeta (Španija, Portugal, Ukrajina, Rusija, Velika Britanija, Brazil, Argentina, Sjedinjene Američke Države, Kape Verde i Venecuela) koji kroz ovaj program putuju širom planete tokom cijele godine. Studenti koji su bili u posjeti našem Fakultetu studiraju na jednom od najprestižnijih svjetskih univerziteta kao što su Univerzitet Kolumbija, Moskovski Državni Univezitet, Dandi Univerzitet u Škotskoj itd. i sa njima je razgovarano o njihovim studijskim programima, okruženju u kom obitavaju kao studenti, kao i sličnostima i različitostima sa našim sistemom obrazovanja. Imali smo priliku da čujemo mnogo toga novog, ali zajednički stav koji su iznijeli svi studenti jeste veoma veliki značaj studentskog aktivizma kako za samo obrazovanje pojedinca, tako i zajednice u svim sferama društvenog, ekonomskog, političkog djelovanja. Sam aktivizam je od ogromnog značaja za samoizgradnju i društveno napredovanje i jačanje kapaciteta pojedinca u okviru društva.



„Samo takvi napredni možemo dati doprinos svojim lokalnim zajednicama, obrazovnom sistemu i napretku društva uopšte“, Angelina, Columbia University Miami.

Završivši posjetu Fakultetu strani studenti su izrazili ogromno zadovoljstvo i zahvalnost Savezu Studenata ekonomskog Fakulteta kao i dekanu Srđanu Laliću na odličnoj prezentaciji našeg obrazovnog sistema, kao i prijatnom druženju i predstavljanju našeg fakulteta u najboljem svjetlu.

